

Broj: 01-*5629/25*
Sarajevo, *24.11.2025.* godine
05.12.2025.

ZAPISNIK

sa 22. vanredne sjednice Vijeća Univerziteta u Sarajevu - Elektrotehničkog fakulteta, održane
24.11.2025. godine s početkom u 14:00 sati, u sali S-1
Univerziteta u Sarajevu - Elektrotehničkog fakulteta.

Od 57 članova Vijeća Univerziteta u Sarajevu - Elektrotehničkog fakulteta, sjednici je
prisustvovalo 40 članova Vijeća Univerziteta u Sarajevu - Elektrotehničkog fakulteta.

Prisutni članovi Vijeća Univerziteta u Sarajevu - Elektrotehničkog fakulteta:



Odsutni članovi Vijeća Univerziteta u Sarajevu - Elektrotehničkog fakulteta:



Ostali prisutni:

 (u svojstvu zapisničarke).

Zasjedanje je počelo u 14:00 sati.

Konstatovano je da sjednici, prilikom otvaranja prisustvuje 40 članova Vijeća Univerziteta u Sarajevu - Elektrotehničkog fakulteta s pravom glasa, odnosno da postoji kvorum za punopravno odlučivanje.

Sjednicom predsjedava dekan, prof. dr.  ovani je otvorio sjednicu i pozdravio prisutne.

Nakon toga, dekan,  informirao da je u petak popodne, 21.11.2025. godine, zaprimljena saglasnost za prijem u radni odnos novih zaposlenika. Imenovani je tom prilikom također naveo da se na ovu saglasnost čekalo dugi vremenski period, da je u međuvremu došlo do promjene relevantnog normativnog akta (Pravilnika) Univerziteta u Sarajevu koji se odnosi na predmetno pitanje, zbog čega je neophodno odluku Vijeća ponovno dostavljati Senatu Univerziteta u Sarajevu, a da je konkursnu proceduru potrebno započeti prije završetka kalendarske godine. Zbog svega naprijed navedenog, imenovani je predložio da se prethodno dostavljeni dnevni red dopuni sa ovom tačkom dnevnog reda, koja bi se u tom slučaju razmatrala kao prva tačka dnevnog reda.



Jedan dio članova Vijeća je izrazio negodovanje, navodeći da se može organizirati elektronska sjednica samo za tu tačku dnevnog reda ili da materijal sačeka redovnu, decembarsku sjednicu, nakon čega je dekan, prof. dr. [REDACTED] ponovno pojasnio da je riječ o hitnom pitanju koje nije sporno, zbog čega bi se zatražilo da se materijal uvrsti na novembarsku sjednicu Senata Univerziteta u Sarajevu koja se održava 26.11.2025. godine, te bi iz tog razloga bilo svrsishodno ovu tačku uvrstiti kao dopunu dnevnog reda i razmatrati na današnjoj sjednici.

Nakon datog obrazloženja, imenovani je predložio dopunu dnevnog reda sa novom tačkom 1.1. kako slijedi:

Od 40 prisutnih članova Vijeća Univerziteta u Sarajevu - Elektrotehničkog fakulteta, 30 članova je glasalo za dopunu dnevnog reda sa novom tačkom 1.1, 4 člana su glasala protiv, a 6 bilo sudržanih, čime je predložena dopuna usvojena većinom glasova od ukupnog broja članova Vijeća Univerziteta u Sarajevu - Elektrotehničkog fakulteta, te je slijedom naprijed navedenog Vijeće Univerziteta u Sarajevu - Elektrotehničkog fakulteta većinom glasova od ukupnog broja članova (30 glasova "za", 4 glasa "protiv" i 6 "suzdržanih") usvojilo sljedeći:

DNEVNI RED

Ad.1.

- 1.1. Utvrđivanje nastavne potrebe i prijedloga teksta konkursa za izbor u zvanje:
 - asistent na naučnu oblast „Automatika i elektronika“ (jedan izvršilac)
 - asistent na naučnu oblast „Računarstvo i informatika“ (tri izvršoca)
 - docent na nastavne predmete: Artificial Intelligence, Machine Learning: Supervised Techniques, Machine Learning: Unsupervised Techniques, Seminar in AI, Machine Learning and Pattern Recognition (jedan izvršilac)
 - docent na nastavne predmete: Algorithms and Data Structures II, Introduction to Data Analysis and Visualisation, Computational Data Analytics, Formal Models, Basic Scientific and Soft Skills (jedan izvršilac).
- 1.2. Razmatranje Izvještaja Komisije za ocjenu doktorske disertacije i prijedloga doktorske disertacije Cogo Emira pod naslovom "Proceduralno modeliranje hijerarhijske podjele prohodnog prostora sa inter-operabilnošću između nivoa hijerarhija" i prijedloga Komisije za odbranu doktorske disertacije u skladu sa Zaključkom Općinskog suda u Sarajevu broj: 60 0 I 1187103 Mo od 18.09.2025. godine.

TOK SJEDNICE:

Ad.1.

- 1.1. Vijeće Univerziteta u Sarajevu - Elektrotehničkog fakulteta, većinom glasova od ukupnog broja članova (34 glasa za, 4 protiv i 2 sudržana od glasanja) je donijelo sljedeće odluke o utvrđivanju potrebe i prijedloga teksta konkursa za izbor akademskog osoblja:
 1. I - Usvaja se Odluka o utvrđivanju potrebe za akademskim osobljem i to:
 1. SARADNIK (izbor u saradničko zvanje asistent) na naučnu oblast „Automatika i elektronika“ 1 izvršilac (puno radno vrijeme).
 - II - Odluku dostaviti Senatu Univerziteta u Sarajevu na dalji postupak.
 - III – Danom dobijanja Saglasnosti Senata Univerziteta u Sarajevu ova Odluka postaje konačna.
 - IV – Zadužuje se dekan Fakulteta da po dobijenoj Saglasnosti Senata Univerziteta u Sarajevu, a na osnovu utvrđene potrebe za akademskim osobljem raspiše Javni konkurs u skladu sa Zakonom o visokom obrazovanju Kantona Sarajevo i Statutom Univerziteta u Sarajevu.
2. I - Usvaja se Odluka o utvrđivanju potrebe za akademskim osobljem i to:
 1. SARADNIK (izbor u saradničko zvanje asistent) na naučnu oblast „Računarstvo i informatika“ 3 izvršoca (puno radno vrijeme).
- II - Odluku dostaviti Senatu Univerziteta u Sarajevu na dalji postupak.
- III – Danom dobijanja Saglasnosti Senata Univerziteta u Sarajevu ova Odluka postaje konačna.
- IV – Zadužuje se dekan Fakulteta da po dobijenoj Saglasnosti Senata Univerziteta u Sarajevu, a na



osnovu utvrđene potrebe za akademskim osobljem raspiše Javni konkurs u skladu sa Zakonom o visokom obrazovanju Kantona Sarajevo i Statutom Univerziteta u Sarajevu.

3. I - Usvaja se Odluka o utvrđivanju potrebe za akademskim osobljem i to:

1. NASTAVNIK (izbor u naučnonastavno zvanje docent) na nastavne predmete: Artificial Intelligence, Machine Learning: Supervised Techniques, Machine Learning: Unsupervised Techniques, Seminar in AI, Machine Learning and Pattern Recognition..... 1 izvršilac (puno radno vrijeme).

II - Odluku dostaviti Senatu Univerziteta u Sarajevu na dalji postupak.

III – Danom dobijanja Saglasnosti Senata Univerziteta u Sarajevu ova Odluka postaje konačna.

IV – Zadužuje se dekan Fakulteta da po dobijenoj Saglasnosti Senata Univerziteta u Sarajevu, a na osnovu utvrđene potrebe za akademskim osobljem raspiše Javni konkurs u skladu sa Zakonom o visokom obrazovanju Kantona Sarajevo i Statutom Univerziteta u Sarajevu.

4. I - Usvaja se Odluka o utvrđivanju potrebe za akademskim osobljem i to:

1. NASTAVNIK (izbor u naučnonastavno zvanje docent) na nastavne predmete: Algorithms and Data Structures II, Introduction to Data Analysis and Visualisation, Computational Data Analytics, Formal Models, Basic Scientific and Soft Skills..... 1 izvršilac (puno radno vrijeme).

II - Odluku dostaviti Senatu Univerziteta u Sarajevu na dalji postupak.

III – Danom dobijanja Saglasnosti Senata Univerziteta u Sarajevu ova Odluka postaje konačna.

IV – Zadužuje se dekan Fakulteta da po dobijenoj Saglasnosti Senata Univerziteta u Sarajevu, a na osnovu utvrđene potrebe za akademskim osobljem raspiše Javni konkurs u skladu sa Zakonom o visokom obrazovanju Kantona Sarajevo i Statutom Univerziteta u Sarajevu.

1.2. Povodom tačke dnevnog reda koja se odnosi na razmatranje Izvještaja Komisije za ocjenu doktorske disertacije i prijedloga doktorske disertacije Cogo Emira pod naslovom "Proceduralno modeliranje hijerarhijske podjele prohodnog prostora sa inter-operabilnošću između nivoa hijerarhija" i prijedloga Komisije za odbranu doktorske disertacije u skladu sa Zaključkom Općinskog suda u Sarajevu broj: 60 0 I 1187103 Mo od 18.09.2025. godine, dekan, prof. dr. Jasmin Velagić je postavio pitanje da li se neko od prisutnih, bilo da su članovi Komisije ili Vijeća javlja za riječ u pogledu predmetne tačke dnevnog reda.

U 14:12 sati, sjednicu je napustio prof. dr. [REDACTED] te od tog trenutka sjednici prisustvuje 39 članova Vijeća.

Nakon što se niko nije javio, imenovani je napomenuo da su u predmetnom postupku sticanja naučnog stepena doktora nauka četiri profesora dostavila primjedbe na korigiranu radnu verziju, te da smatra da bi u interesu kandidata bilo da mu se rad vrati na doradu.

U 14:13 sati, sjednicu je napustila prof. dr. [REDACTED] te od tog trenutka sjednici prisustvuje 38 članova Vijeća.

Dekan, prof. [REDACTED] je naveo da je izdvojio sve ono što smatra da bi kandidat trebao popraviti, a što će u nastavku sjednice i iznijeti.

U 14:15 sati, sjednici je pristupio prof. dr. [REDACTED] te od tog trenutka, sjednici prisustvuje 39 članova Vijeća Univerziteta u Sarajevu - Elektrotehničkog fakulteta.

Imenovani je zatim počeo navoditi šta bi se trebalo doraditi u okviru područja istraživanja, po pitanju metrika, komparacije sa drugim metodama, analizom kompleksnosti datog modela i drugim pojedinačnim pitanjima za koja smatra da također trebaju biti predmet dorade.

Prof. [REDACTED] je izjavio da smatra da nije uredu da se sada o ovome raspravlja, nego je sve trebalo prethodno, u pismenoj formi dostaviti članovima Vijeća.

Prof. dr. [REDACTED] je izjavila da kandidatu [REDACTED] ističe rok za završetak trećeg ciklusa studija, što je dekan, prof. dr. [REDACTED] demantirao, navodeći da imenovanom rok za završetak studija ističe u aprilu 2027. godine.



P[REDAKCIJA] je izjavila da su Vijeće i sam Elektrotehnički fakultet dovedeni na dno, iz razloga što je problematičan doktorat studenta [REDAKCIJA] koji je objavio više naučnih radova u žurnalima i konferencija, te je i dobitnik nagrade Univerziteta u Sarajevu, zbog čega je apsurdno diskutirati o ovom pitanju.

Dekan, prof. dr. [REDAKCIJA] je još jednom ponovio da bi u najboljem interesu kandidata [REDAKCIJA] da mu se rad vrati na doradu, u čemu ne vidi nikakav problem.

[REDAKCIJA] izjavio je da je publikacijski element razlog zbog kojeg ranije nije podržao ovaj doktorat, a zbog čega to ne može učiniti ni sada. Imenovani je također izjavio da publikacijski segment rada na doktorskoj disertaciji smatra simptomom lošeg mentorisanja.

Nakon što je diskusija zaključena, dekan [REDAKCIJA] je na glasanje stavio prijedlog da se doktorska disertacija vrati kandidatu [REDAKCIJA] na doradu. Ovaj prijedlog nije dobio potrebnu većinu glasova, vodeći računa da je za vraćanje doktorske disertacije [REDAKCIJA] na doradu glasalo 15 članova Vijeća Univerziteta u Sarajevu - Elektrotehničkog fakulteta.

Nakon toga, na usvajanje je stavljen Izvještaj Komisije za ocjenu doktorske disertacije i prijedloga doktorske disertacije [REDAKCIJA] pod naslovom "Proceduralno modeliranje hijerarhijske podjele prohodnog prostora sa inter-operabilnošću između nivoa hijerarhija" i prijedlog Komisije za odbranu doktorske disertacije u skladu sa Zaključkom Općinskog suda u Sarajevu broj: 60 0 I 1187103 Mo od 18.09.2025. godine, te je Vijeće Univerziteta u Sarajevu - Elektrotehničkog fakulteta sa 22 glasa za, 6 glasova protiv i 11 suzdržanih, donijelo

ODLUKU

I - **Ne usvaja** se Izvještaj Komisije za ocjenu doktorske disertacije (broj: 01-2299/24 od 24.06.2024. godine) koji je podnijela Komisija za ocjenu radne verzije doktorske disertacije, u

[REDAKCIJA]
i ne prihvata se prijedlog doktorske disertacije kandidata [REDAKCIJA] magistar elektrotehnike – diplomirani inženjer elektrotehnike, pod naslovom "Proceduralno modeliranje hijerarhijske podjele prohodnog prostora sa inter-operabilnošću između nivoa hijerarhija" niti prijedlog Komisije za odbranu doktorske disertacije koji je dostavilo Vijeće dokorskog studija Univerzitet u Sarajevu-Elektrotehničkog fakulteta Zaključkom broj 07-4123/25 od 29.09.2025. godine.

II - Kandidat gubi status studenta trećeg ciklusa, a prijavljena tema registrira se kao odbijena. Odbijenu temu priedloga doktorske disertacije kandidat ne može ponovo prijaviti.

III - Ova odluka sa utvrđenim prijedlogom i Izvještaj Komisije za ocjenu doktorske disertacije (broj: 01-2299/24 od 24.06.2024. godine), dostavlja se Senatu Univerziteta u Sarajevu.

Dekan, [REDAKCIJA] na kraju je informirao prisutne da su pripremljene odluke i rješenja za dodatak na plaću po osnovu rada preko nastavne norme, ali samo za mjesec novembar 2025. godine, s obzirom da je tako zatraženo iz Rektorata Univerziteta u Sarajevu.

Sjednica je zaključena u 14:45 sati.

Zapisnik sačinila: [REDAKCIJA]



